



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-481-4/23**
Datum: **18.01.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica «JOŠKO-COMPANY» d.o.o. Vitez za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata za tov brojlera u naselju Nević Polje, općina Novi Travnik, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu «JOŠKO-COMPANY» d.o.o. Vitez daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata za tov brojlera, kapaciteta 120.000 brojlera/turnus, izgrađenog u naselju Nević Polje, na zemljištu označenom kao k.č. broj: 668/12, 668/13, 668/20, 668/25, 668/24, 668/23, 668/21, 668/22 i 668/26 K.O. Stojkovići, općina Novi Travnik.
2. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog kompleksa objekata za tov pilića vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se u roku važenja ovog rješenja izradi investiciono tehnička dokumentaciju za snabdijevanje vodom, prikupljanje i tretman svih otpadnih voda predmetnog kompleksa.
 - 2.3. Investiciono-tehnička dokumentacija treba biti urađena i revidovana od strane pravnih lica koja imaju ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva koja treba da obradi sva pitanja koja su bitna za konkretan slučaj, a naročito:
 - Obraditi otpadne vode od pranja unutrašnjosti objekata za tov brojlera i opreme u objektima sa svim potrebnim analizama, proračunima, tehničkim opisom, grafičkim prilogima i detaljima.
Ove otpadne vode prikupljati u sabirne/osočne jame bez ispusta i koje će povremeno čistiti.
 - Obraditi snabdijevanje vodom za sanitarne i tehnološke potrebe vode te za pranje objekata i opreme kao i sanitarno-fekalne otpadne vode i način prikupljanja i tretmana, sa svim potrebnim grafičkim prilogima i tehničkim opisom, a kako je to traženo vodnom dozvolom od nadležnog kantonalnog ministarstva.
 - Na osnovu kapaciteta farme i broja turnusa, proračunati količinu tečnog i krutog otpada te obraditi tehničko rješenje za skladištenje istog sa svim potrebnim proračunima, grafičkim prilogima i tehničkim opisom.
 - Objekti za prikupljanje tečnog otpada (sabirna/osočna jama) i krutog otpada (laguna/đubrenka) moraju biti izvan uticaja velikih voda, vodonepropusni i dimenzionirani tako da obezbijede zrenje istog prije konačne dispozicije đubriva na poljoprivredne površine kao i da se spriječi nekontrolisano rasipanje tečnog i krutog otpada po okolnom zemljištu.
 - Procjedne vode iz lagune za zbrinjavanje đubriva potrebno je priključiti na sabirnu/osočnu jamu, koja mora biti izvan uticaja velikih voda.
 - Definirati način aplikacije đubriva na poljoprivredne površine (dati plan, količine...), u skladu sa pravilima dobre poljoprivredne prakse, a u cilju zaštite podzemnih i površinskih voda.
 - Na predmetnom lokalitetu nije dozvoljeno indirektno ispuštanje otpadnih voda u podzemne vode ili na tlo ukoliko se prethodno ne izvrše potrebni hidrogeološki istražni radovi te obraditi i potvrditi ispunjenje uslova pod kojim je isto dozvoljeno, a sve u

- skladu sa članom 16. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
- Projektnom dokumentacijom obuhvatiti i situativno prikazati cjelokupan lokalitet sa objektima, definisati tačan položaj/lokaciju objekata u odnosu na otvorene vodotoke, izvorišta vode za piće i sl.
 - Projektnom dokumentacijom sagledati sve moguće neželjene uticaje kako na planirani objekat, tako planiranog objekta na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno ublažavanje tih utjecaja.
- 2.4. Da se privremeno i trajno zbrinjavanje otpada od uginulih pilića i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
 - 2.5. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 2.6. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada farme, u vodotoke i obale rijeka.
 - 2.7. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 8. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
 9. U ovoj upravnoj stvari plaćene su sve upravne takse.
 10. Ova vodna dozvola, shodno članu 117. stav 1. Zakona o vodama se daje sa rokom važenja od 6 (šest) mjeseci od dana pravosnažnosti ovog Rješenja.
 11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
 12. Ukoliko nosilac prava iz ove dozvole u vrijeme važenja ove dozvole ne ispuni uslov propisan tačkom 2.2. i 2.3. neće ostvariti mogućnost produženja ove dozvole i zahtjev za izdavanje nove dozvole će mu biti odbijen.

13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «JOŠKO-COMPANY» d.o.o. Vitez, dana 31.10.2023., podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata za tov brojlera, kapaciteta 120.000 brojlera/turnus, izgrađenog u naselju Nević Polje, na zemljištu označenom kao k.č. broj: 668/12, 668/13, 668/20, 668/25, 668/24, 668/23, 668/21, 668/22 i 668/26 K.O. Stojkovići, općina Novi Travnik.

U provedenom postupku dostavljena je i pregledana sljedeća dokumentacija:

- Ovjereni kopija Aktuelnog izvoda iz sudskog registra broj: 051-0-RegZ-22-000577 od 12.04.2022. izdatog od Općinskog suda u Travniku,
- Ovjereni kopija Uvjerenja o poreznoj registraciji izdatog od Porezne uprave Federacije BiH-Kantonalni porezni ured Novi Travnik od 07.06.2011.,
- Dokaz o uplaćenju upravnoj taksi,
- Kopija Ugovora o zakupu broj: 1/20 zaključen dana 15.04.2020. godine sa Lucom Tokalić iz Novog Travnika,
- Kopija Rješenja o izmjeni Rješenja o ispunjavanju veterinarsko-zdravstvenih uslova broj: UP1-06-20-10226/21 od 23.11.2021. godine, izdatog od Ministarstva poljoprivrede, vodoprivrede i šumarstva Srednjobosanskog kantona/Kantona Središnja Bosna,
- Kopija Zaključka o ispravci Rješenja o ispunjavanju veterinarsko-zdravstvenih uslova broj: UP1-06-20-10226/21-1 od 09.12.2021. godine, izdatog od Ministarstva poljoprivrede, vodoprivrede i šumarstva Srednjobosanskog kantona/Kantona Središnja Bosna,
- Kopija Uporabne dozvole broj: 03-23-5-1389/03 od 27.11.2003. godine, izdatog od Službe za urbanizam i stambena pitanja Općine Novi Travnik,
- Kopija Građevne dozvole broj: 03-23-966/2002 od 16.09.2002. godine, izdate od Službe za urbanizam i stambena pitanja Općine Novi Travnik,
- Kopija Rješenja o odobrenju za građenje broj: 03-23-4-1909/05 od 31.10.2005. godine izdatog od Službe za imovinsko-pravne poslove, katastar i urbanizam Općine Novi Travnik,
- Kopija Zahtjeva za izdavanje okolinske dozvole upućenog Federalnom Ministarstvu okoliša i turizma, zaprimljenog dana 22.02.2023.,
- Kopija Rješenja o vodnoj dozvoli broj: 06-21-191/23 od 13.01.2023. godine, izdatog od Ministarstva poljoprivrede, vodoprivrede i šumarstva Srednjobosanskog kantona/Kantona Središnja Bosna,
- Kopija Rješenja o vodnoj dozvoli broj: UP-I/25-3-40-630-4/15 od 15.04.2016. izdatog od «Agencije za vodno područje rijeke Save» Sarajevo,
- Kopija Izvještaja o monitoringu kvaliteta i kvantiteta otpadnih voda farme za tov brojlera «JOŠKO COMPANY» Nević Polje, Novi Travnik broj: 1317/22, septembar 2022., urađen od «Inspekt-RGH» d.o.o. Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-481-3/23 od 12.12.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Kompleks objekata za tov brojlera je izgrađen u naselju Nević Polje, općina Novi Travnik. U sklopu kompleksa je izgrađeno 10 objekata za uzgoj brojlera (5 prizemnih objekata i 5 objekata P+1) te prateći sadržaji. Ukupni kapacitet kompleksa je 120.000 brojlera/turnus.
- Za predmetni objekat ranije je od strane ove Agencije doneseno Rješenje o vodnoj dozvoli broj: UP-I/25-3-40-630-4/15 od 15.04.2016. godine. U toku uviđaja utvrđeno je da objekti koji su se koristili za uzgoj svinja i mini klaonice su ukinuti. U tim objektima se vrši uzgoj brojlera. Takođe, utvrđeno je da nije urađena investiciono-tehnička dokumentacija tražena tačkom 2.1. naprijed navedenog rješenja.

- Stelja i đubrivo se nakon završenog turnusa odvoze na poljoprivredne površine.
- Otpadne vode od pranja objekata nakon završenog turnusa se, zajedno sa sanitarno-fekalnim otpadnim vodama, prikupljaju sistemom slivnika i kanalizacione mreže i odvođe do septičkih jama sa prelivom u rijeku Grlovcu. Otpadne vode iz nekoliko objekata se ispuštaju u otvoreni kanal sa krajnjim ispuštom u rijeku Grlovcu.
- Dostavljen je Izvještaj o monitoringu kvaliteta i kvantiteta otpadnih voda farme za tov brojlera „JOŠKO COMPANY“ Nević Polje, Novi Travnik, septembar 2022., urađen od «Inspekt-RGH» d.o.o. Sarajevo. U Izvještaju su definisana 3 ispusna mjesta (2 u rijeku Grlovcu i 1 u otvoreni kanal) i na kojima je urađen monitoring otpadnih voda.
- Snabdijevanje vodom za sanitarne i tehnološke potrebe je obezbijedeno putem priključka na gradsku vodovodnu mrežu.

Sistem za prikupljanje, tretman i konačnu dispoziciju voda koje nastaju u procesu rada farme za uzgoj brojlera ne može se smatrati potpunim, jer se prikupljene vode bez ikakvog tretmana, najkraćim putem odvođe do prijemnika. Da bi se utvrdili obim radova neophodnih za kompletiranje sistema i rokovi za realizaciju istog potrebno je uraditi projektnu dokumentaciju koja će poslužiti kao osnova za izradu dinamičkog plana realizacije radova na kompletiranju sistema.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 2. dispozitiva ovog Rješenja, propisani uslovi u skladu sa članom 115. do člana 118. Zakona o vodama („Službene novine Federacije BiH“, broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je pravno lice «JOŠKO-COMPANY» d.o.o. Vitez, ispunilo minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-481-2/23 od 27.11.2023.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Po ovlaštenju:
Rukovodilac sektora za izdavanje
vodnih akata
Haris Ališehović, dipl.inž.građ.

Dostaviti:

- «JOŠKO-COMPANY» d.o.o.
Divjak bb, 72250 Vitez
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava